

VI.

Komisija ima pravo na naknadu, koja će se u skladu sa važećim propisima, utvrditi naknadno, odnosno po završetku poslova.

VII.

Ovo Rješenje stupa na snagu danom donošenja i ima se objaviti u "Službenim novinama Federacije BiH".

Glavni zapovjednik
Sudske policije FBiH
Generalni inspektor
sudske policije
Muhamed Sarić, s. r.

Broj Sp-01-436/06

3. aprila/travnja 2006. godine
Sarajevo

AGENCIJA ZA PRIVATIZACIJU U FEDERACIJI BOSNE I HERCEGOVINE

Na osnovu člana 12. Zakona o Agenciji za privatizaciju ("Službene novine Federacije BiH," broj 18/96 i 2/02) i člana 15. Statuta Agencije za privatizaciju u Federaciji Bosne i Hercegovine," broj 31/05), Upravni odbor Agencije za privatizaciju u Federaciji Bosne i Hercegovine, na sjedenici održanoj 27. marta 2006. godine, donosi

PRAVILNIK

O IZMJENAMA I DOPUNAMA PRAVILNIKA O OBAVLJANJU KONTROLE IZVRŠENJA OBAVEZA IZ KUPOPRODAJNIH UGOVORA U POSTUPKU PRIVATIZACIJE U FEDERACIJI BOSNE I HERCEGOVINE

Član 1.

U Pravilniku o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine ("Službene novine Federacije BiH," broj 12/05) u članu 4. stav 1. iza riječi "pravilnika" dodaju se riječi: "sa ili bez ugovorene obaveze kontrole".

Član 2.

U članu 5. stav 1. mijenja se i glasi:

"Kontrolu ugovora iz člana 2. ovog pravilnika vrši nadležna agencija putem ovlaštenih lica" (u daljnjem tekstu: Ovlaštena lica).

U članu 5. u stavu 2. riječi: "u svojoj unutrašnjoj organizaciji" brišu se.

U stavu 3. riječi: "u svojoj unutrašnjoj organizaciji" brišu se.
Stav 4. briše se.

Član 3.

U članu 7. stav 2. riječ: "dva puta" zamjenjuje se riječju "jednom".

Član 4.

Član 10. mijenja se i glasi:

"Nakon izvršenih kontrola, ovlaštena lica podnose izvještaj direktoru agencije za privatizaciju o utvrđenom stanju prilikom kontrole sa prijedlogom mjera."

Član 5.

U članu 11. stav 1. riječ "direktno" briše se.

U stavu 2. iza riječi "fakture" zarez se zamjenjuje crticom.

U stavu 3. riječ "nove" briše se.

Član 6.

U članu 12. riječ "nove" briše se.

U stavu 1. tačka 5. i članu 13 stav 1. tačka 5., i članu 14. stav 1. tačka 3., iza riječi "dokumentaciju" stavlja se "tačka", a riječi: "prihvatljivu za prodavca" brišu se.

Član 7.

Član 15. mijenja se i glasi:

"Ako ovlaštena lica za kontrolu kupoprodajnog ugovora smatraju da predloženi dokazi nisu dovoljni, kupac je dužan da dostavi nalaz vještaka odgovarajuće struke".

Član 8.

Član 16. mijenja se i glasi:

"Kao dokaz konačnog izvršenja obaveze investiranja- ulaganja kupac je dužan dostaviti nadležnoj agenciji nalaz i mišljenje ovlaštene revizorske kuće o ispunjenju ugovornih obaveza po osnovu investiranja- ulaganja, kao i knjiženju- evidentiranju investicija- ulaganja u poslovnim knjigama društva u skladu sa propisima iz oblasti računovodstva.

Član 9.

U članu 17. stav 3. mijenja se i glasi:

"Ako ovlaštena lica u kontroli uoče nepravilnosti u pogledu zapošljavanja, te eventualno izbjegavanje uplaćivanja doprinosa za uposlene, dužna su o tome obavijestiti Inspektorat rada nadležnog ministarstva, PIO/MIO i Poreznu upravu Federacije BiH i zatražiti od istih poduzimanje mjera sukladno zakonu i zakonskim ovlaštenjima."

Član 10.

U članu 19. stav 1. riječi: "ovlaštena lica za kontrolu izvršenja obaveza iz kupoprodajnih ugovora" zamjenjuju se riječima: "agencija za privatizaciju".

Alineja 2. mijenja se i glasi:

"Zemljišno- knjižni ured nadležnog suda- općine: Izvijestiti da ne odobri promet nekretnina niti hipotekarnog zalaganja bez saglasnosti ili izdatog uvjerenja agencije za privatizaciju".

Član 11.

Iza člana 20. dodaju se novi čl. 20a. i 20b. koji glase:

"Član 20a.

Na prijedlog nadležne agencije za privatizaciju za raskid kupoprodajnog ugovora saglasnost daje upravni odbor te agencije.

Član 20b.

Nakon što kupac izvrši sve obaveze iz ugovora o kupoprodaji predmeta iz člana 2. ovog pravilnika, nadležna agencija za privatizaciju će kupcu izdati uvjerenje, a gdje kontrolu vrši isključivo preduzeće, potvrdu izdaje to preduzeće."

Član 12.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH."

Broj 04-02-1028/06
27. marta 2006. godine
Sarajevo

Predsjednik
Upravnog odbora
Franjo Šaravanja, s.r.

Na temelju članka 12. Zakona o Agenciji za privatizaciju ("Službene novine Federacije BiH," broj 18/96 i 2/02) i članka 15. Statuta Agencije za privatizaciju u Federaciji Bosne i Hercegovine," broj 31/05), Upravni odbor Agencije za privatizaciju u Federaciji Bosne i Hercegovine, na sjedenici održanoj 27. ožujka 2006. godine, donosi

PRAVILNIK

O IZMJENAMA I DOPUNAMA PRAVILNIKA O OBAVLJANJU KONTROLE IZVRŠENJA OBEVEZA IZ KUPOPRODAJNIH UGOVORA U POSTUPKU PRIVATIZACIJE U FEDERACIJI BOSNE I HERCEGOVINE

Članak 1.

U Pravilniku o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine ("Službene novine Federacije BiH," broj 12/05) u članku 4. stavak 1. iza riječi "pravilnika" dodaju se riječi: "sa ili bez ugovorene obaveze kontrole".

Članak 2.

U članku 5. stavak 1. mijenja se i glasi:

"Kontrolu ugovora iz članka 2. ovog pravilnika vrši nadležna agencija putem ovlaštenih osoba" (u daljnjem tekstu: Ovlaštena osoba).

U članku 5. u stavki 2. riječi: "u svojoj unutrašnjoj organizaciji" brišu se.

U stavki 3. riječi: "u svojoj unutrašnjoj organizaciji" brišu se.
Stavak 4. briše se.